



”Zaista je Allah propisao farzove, pa ih nemojte zanemarivati, i postavio je granice, pa ih nemojte prelaziti, i zabranio je neke stvari, pa ih nemojte činiti, dok je prešutio neke stvari, iz Svoje milosti Allah prema vama, pa ih nemojte istraživati.”

Od Ebu Salebe el-Hušenija Džursuma ibn Našira, radijallahu anhu, prenosi se da je Allahov Poslanik, sallallahu alejhi ve sellem, rekao: ”Zaista je Allah propisao farzove, pa ih nemojte zanemarivati, i postavio je granice, pa ih nemojte prelaziti, i zabranio je neke stvari, pa ih nemojte činiti, dok je prešutio neke stvari, iz Svoje milosti Allah prema vama, pa ih nemojte istraživati.”

[قال النووي: حديث حسن] [رواه الدارقطني في سننه وغيره]

Allahov Poslanik, sallallahu alejhi ve sellem, obavještava nas da je Allah propisao određene obaveze i farzove, pa ih se pridržavajte i ne zapostavljajte ih, bilo da je iz nemara ili namjerno. On vam je odredio granice i zabrane koje vas čuvaju i odvrćaju od onoga što On ne voli, zato u vjeru ne unosite ništa mimo onoga što je šerijat propisao. Allah je zabranio harame, pa ih se klonite i ne približavajte im se. Ono o čemu Allah nije dao poseban propis i o čemu je šutio, učinio je to iz Svoje milosti prema robovima, pa to u osnovi ostaje dozvoljeno. Zato se u tome ne opterećujte nepotrebnim pitanjima niti pretjeranim istraživanjem.

<https://sunnah.global/hadeeth/bs/show/66510>

